



¿A cuánto ta'l llitru de **llibertá**?
¿Y el de sangre?



Mocedá d'Izquierda Asturiana

PIENSA>> LLUCHA>> TRESFORMA>>

NUN YE SÓLO IRAQ

Los mesmos qu'apoyaron la dictadura de Saddam Hussein nos años ochenta pa torgar l'integrismu islámicu iraní invadieron Iraq en 2003 pa "lluchar escontra'l terrorismu integrista" y "traer la democracia". Trés años depués, **nun ye posible mayor estropiciu**: falar de democracia nun país ocupáu militarmente y gobernáu por un procónsul norteamericanu arrodiaú de marionetes autóctones ye una broma de mal gustu, y les divisiones relixoses, que nunca supunxeron un problema seriu nesí país, tán a piques de provocar una guerra civil ente los propios iraquís, a sumar a la guerra que tien entamada la resistencia escontra la ocupación d'USA y satélites. Pero mentanto siga garantizáu'l suministru de petróleu... ¿A quién-y importa?

El gobiernu del PSOE sacó les tropes españoles d'Iraq, medida acertada y valiente que sorprendió a propios y a estraños (nun tamos avezaos a que'l PSOE cumpla les sos promeses). Pero **nun ye sólo Iraq**. De fechu, sacaron les tropes d'Iraq pa meteles n'Afganistán. ¿Por qué yera malo tener tropes n'Iraq y ye bono meteles n'Afganistán, sofitando otru gobiernu marioneta d'USA formáu por integristes islámicos? ¿Por qué ye bono tener tropes n'Haití sofitando otru marionetes que nun quieren reconocer el resultáu de les últimes elecciones? Estes son les contradicciones del PSOE y de los socios que nel Congresu de los diputaos dixeron "sí" a les supuestes "expediciones humanitarias" ¿Dende cuándo la ocupación militar d'un territoriu ye un actu humanitariu por muncho que lo diga la ONU?

A Izquierda Asturiana (IAS) nun-y da más lo que diga la ONU, institución ilexítima qu'usa doble vara de midir. Oponémonos a la invasión y ocupación de nengún país, y creemos que la meyor forma d'acabar coles dictadures ye sofitar a los pueblos que les sufren pa que lluchen escontra elles, non "lliberándoles" pola fuerca. Por eso **refugamos la presencia española, norteamericana o de cualesquier otru país, n'Iraq, Haití o Afganistán**. Porque yá valió d'aventures pa favorecer les multinacionales petroleres y d'armamentu.

¡TOLES TROPES PA CASA YÁ! ¡NON A LES INVASIONES, SOBERANÍA PA LOS PUEBLOS!

MOCEDÁ D'IZQUIERDA ASTURIANA (mias>>)
IZQUIERDA ASTURIANA (IAS)

Plaza Primo de Rivera, 1. Oficina 9. Uviéu – Asturias.
Teléfonu y fax 985112097. Apartáu 2041 – 33001.

TAMIÉN TAMOS EN:
www.ias.as
www.ias.as/mias

